

佛說四泥犁經

若

東晉西域沙門竺曇無蘭譯

聞如是一時婆伽婆在舍衛城祇樹給孤獨園。爾時世尊告諸比丘。有四泥犁。云何為四。諸比丘。提舍大泥犁。瞿波離比丘大泥犁。耨婆連兜大泥犁。末佉梨大泥犁。諸比丘。彼提舍大泥犁。身出火焰長二十肘。諸比丘。瞿波離大泥犁。身出火焰長三十肘。諸比丘。調達大泥犁。身出火焰長四十肘。末佉梨大泥犁。身出火焰長六十肘。諸有人。民欲求安隱。獲其義者。若三十大海水灌彼身上。彼海水盡。火不滅。猶如融銅。若有人以二十滴水著彼融銅中。彼水滲速疾滅。彼提舍比丘亦復如是。火焰不滅。若復有人欲求安隱。獲其義者。復以二十大海水灌其身上。彼水速盡。所以然者。彼提舍比丘。愚人。遮比丘僧。使一日不食。以此因緣。使提舍比丘入大地獄。諸有比丘。於瞿波離比丘。有一人起。欲使安隱。獲其義者。以三十大海

水灌其身上。彼海水速盡。譬如二日所融銅。或有一人以三十滴水著融銅中。消盡無餘。此亦如是。瞿波離比丘。愚人。或有人起。欲使獲安隱。義者。以三十大海水灌其身上。彼大海水速盡。所以然者。彼瞿波離比丘。愚人。謗舍利弗。目軋連比丘。身壞命終。生三惡道。墮鉢頭摩地獄。以此因緣。瞿波離比丘。入大泥犁。彼調達大泥犁。若復有人。欲使獲安隱。義者。復以四十大海水灌其身上。彼大海水速盡。彼火不滅。譬如三日融銅。若有人以四十滴水著融銅中。即時消盡。無餘。此亦如是。調達愚人。若有人起。欲使獲安隱。義者。以四十大海水灌其身上。彼大海水速盡。彼火不滅。所以然者。謂達愚人。欲害如來。然阿羅漢比丘。尼壞亂比丘。僧身壞命終。趣三惡道。生阿鼻地獄中。由此因緣。使彼調達比丘。入大地獄。身出火焰長四十肘。諸有比丘。彼末佉梨大泥犁。若有一人起。欲使獲安隱。義者。以六十大海水灌其身上。彼海水速盡。彼火不滅。

佛說四泥犁經 第三張 普

譬如四日所融銅。若有人以六十滴水著融銅中。即時消盡。無餘。彼末佉梨亦復如是。若有一人起。欲使獲安隱。義者。以六十大海水灌其身上。彼大海水速盡。此火不滅。所以然者。此末佉梨愚人。教受百拘梨人。使行邪見。以此因緣。使末佉梨身出火焰長六十肘。如是。諸比丘。四大泥犁。時諸比丘。聞佛所說。歡喜奉行。

佛說四泥犁經

癸卯歲高麗國大藏都監奉勅雕造

佛說四泥犁經 第三張 普

佛說四泥犁經

校勘記

- 一 底本，麗藏本。
- 一 二五六頁上一三行「三十」，諸本（不含石，下同）作「二十」。
- 一 二五六頁中一行「海水」，諸本作「大海水」。
- 一 二五六頁中一二行「三日」，石、南、經、清作「三日所」。